

## Hysbysiad Preifatrwydd – Gwiriad Iechyd yr Ysgyfaint

Mae Bwrdd Iechyd Prifysgol Cwm Taf Morgannwg yn treialu gwasanaeth Gwiriad Iechyd yr Ysgyfaint yng Nghymru. Nod y peilot yw nodi canserau'r ysgyfaint yn gynharach y profwyd ei fod yn arwain at ganlyniadau gwell.

Darllenwch yr Hysbysiad Preifatrwydd hwn yn ofalus gan ei fod yn nodi'r sail y bydd unrhyw ddata personol rydym yn ei brosesu yn cael ei drin. Mae'r hysbysiad hwn yn nodi'r mathau o ddata personol rydym yn eu casglu amdanoch chi a bydd yn esbonio sut a pham mae eich data personol yn cael eu defnyddio. Byddwn hefyd yn esbonio pa mor hir y bydd eich data yn cael ei gadw a phryd, pam a gyda phwy y gellir rhannu eich data.

Mae'r Hysbysiad yn nodi'r sail gyfreithiol sydd gennym ar gyfer prosesu eich data personol ac mae'n egluro effeithiau gwrthod darparu'r data personol y gofynnir amdano. Byddwn hefyd yn esbonio'r hawliau a'r dewisiadau amrywiol sydd gennych o ran eich data personol a sut y gallwch gysylltu â ni.

### Pa ddata personol rydym ni'n ei gasglu amdanoch chi ac o ble?

Bydd gwybodaeth o'ch apwyntiad brysbennu dros y ffôn, apwyntiad nyrsio, sgan CT posib a'ch practis meddyg teulu yn cael ei chadw ar gofrestr o bobl sy'n bodloni'r meini prawf cymhwysedd i ddarparu'r gwasanaeth hwn a monitro'ch anghenion ac ansawdd y gofal a ddarperir. Mae'r gofrestr yn dal eich enw llawn, rhif GIG, rhywedd, dyddiad geni, grŵp ethnig, rhifau ffôn, cyfeiriadau gohebiaeth, a manylion eich meddygfa, yn ogystal â manylion eich cofnod meddygol sy'n gysylltiedig ag iechyd yr ysgyfaint.

### Gyda phwy rydym yn rhannu eich data personol?

Bydd Gwasanaeth Gwiriad Iechyd yr Ysgyfaint yn cadw gwybodaeth amdanoch chi a'ch gofal ysgyfaint i sicrhau ein bod yn darparu gwasanaeth diogel ac o ansawdd. Mae'r gofrestr yn cael ei chynnal gan InHealth Ltd a'u his-gwmni, InHealth Intelligence, mae'r ddau gwmni yn Bartneriaid Busnes y GIG sydd wedi'u contractio gan y GIG i ddarparu'r gwasanaeth hwn.


Os ydych chi'n gymwys i gael sgan CT, bydd eich delweddau'n cael eu trosglwyddo'n ddiogel yn uniongyrchol i Aidence, offeryn canfod nodiwl ar yr ysgyfaint awtomataidd wedi'i is-gontractio, yna ymlaen i Iechyd y Galon a'r Ysgyfaint (HLH) gwasanaeth adrodd radiolegwyr wedi'i is-gontractio ac yna eu cyfathrebu i InHealth ac adran Radioleg Bwrdd Iechyd Prifysgol Cwm Taf Morgannwg. Bydd InHealth yn cyhoeddi'r canlyniadau i chi yn uniongyrchol trwy lythyr.

### Anfon llythyrau gwahoddiad a chanlyniad

I anfon llythyrau apwyntiad a llythyrau canlyniad, mae InHealth yn defnyddio gwasanaethau anfon llythyrau a ddarperir gan Synertec Ltd ac iMail (UK Mail o'r blaen) sy'n argraffu ac yn anfon ein llythyrau yn ddiogel trwy ddsbarth busnes y Post Brenhinol. Dim ond am gyfnod byr y cedwir gwybodaeth am y llythyr sy'n caniatáu argraffu ac anfon. Ar ôl ei anfon, bydd data yn cael eu cadw am 90 diwrnod i ganiatáu monitro perfformiad y gwasanaeth ac mae'n cael eu dileu wedyn.

### Gwasanaeth negeseuon testun

Bydd Gov.uk Notify neu Voodoo yn cael ei ddefnyddio i ddarparu'r gwasanaeth negeseuon testun a ddefnyddir gan InHealth i anfon negeseuon testun at gleifion mewn perthynas â'u hapwyntiadau. I



gefnogi hyn, mae eich rhif ffôn symudol ac amser/lleoliad eich apwyntiadau yn cael eu rhannu. Defnyddir y data hwn at y diben hwn yn unig ac fe'i cedwir am gyfnod byr i ganiatáu monitro perfformiad gwasanaeth.

### **Am ba hyd y byddwn yn cadw eich data personol?**

Byddwn yn cadw eich gwybodaeth am hyd contract peilot Gwiriad Iechyd yr Ysgyfaint Bwrdd Iechyd Prifysgol Cwm Taf Morgannwg. Ar ôl y cyfnod hwn, byddwn ni (gan gynnwys Aidence a HLH) yn trosglwyddo'ch data a'ch delweddau yn ddiogel i'r darparwr newydd dan gyfarwyddyd Bwrdd Iechyd Prifysgol Cwm Taf Morgannwg, ac yna'n dileu'r holl ddata personol mewn modd diogel.

### **Pwy sydd â mynediad at eich data personol?**

Mae'r trefniadau diogelwch sy'n diogelu eich preifatrwydd yn sicrhau bod staff sy'n ymwneud â darparu Gwasanaeth Gwiriad Iechyd yr Ysgyfaint yn unig yn cael mynediad at eich data, a gweithwyr gofal iechyd proffesiynol sy'n ymwneud â'ch gofal sy'n gweithio ar gyfer Inhealth, Aidence, HLH neu Fwrdd Iechyd Prifysgol Cwm Taf Morgannwg a dim ond at ddibenion gofal uniongyrchol.

### **Sut y byddwn yn cyfathrebu â chi?**

Byddwn yn cyfathrebu â chi trwy lythyr a neges destun (SMS) ynghlŷn â'ch Gwiriad Iechyd yr Ysgyfaint. Os hoffech siarad â ni am eich dewisiadau cyfathrebu, ffoniwch y Swyddfa Apwyntiadau.

### **Pa sail gyfreithiol sydd gyda ni ar gyfer defnyddio eich gwybodaeth?**


Comisiynwyd InHealth gan Fwrdd Iechyd Prifysgol Cwm Taf Morgannwg i ddarparu'r gwasanaeth hwn i gefnogi eich gofal cleifion uniongyrchol. Caiff cleifion eu hatgyfeirio at y gwasanaeth drwy eich meddygfa. Os ydych chi'n gymwys i gael sgan CT, bydd y delweddau'n cael eu darparu i Aidence, HLH a Bwrdd Iechyd Cwm Taf Morgannwg a byddwn yn darparu canlyniadau yn ôl i'ch meddygfa a chi'ch hun. Os dydych chi ddim yn gymwys i gael sgan CT, byddwn yn darparu'r canlyniadau i'ch meddygfa ac yn ysgrifenedig i chi'ch hun.

### **Sut ydym ni'n diogelu eich gwybodaeth?**

Ein nod yw sicrhau bod yr holl ddata personol yn cael ei ddal a'i brosesu mewn modd diogel a dim ond gweithwyr gofal iechyd proffesiynol sydd â diddordeb dilys yn eich gofal sy'n cael mynediad at eich data rydym yn ei ganiatáu. Mae enghreifftiau o'n diogelwch yn cynnwys:

- Amgryptio – sy'n golygu bod y wybodaeth wedi'i chuddio fel na ellir ei darllen heb wybodaeth arbennig (megis cyfrinair)
- Rheoli mynediad at systemau a rhwydweithiau, mae hyn yn ein galluogi i atal pobl nad ydynt yn cael gweld eich data rhag cael mynediad ato.
- Rheoli mynediad ar gyfer gwahanol rolau defnyddwyr, felly dim ond data penodol sy'n ofynnol ar gyfer rôl benodol sy'n hygyrch
- Hyfforddi ein staff i sicrhau eu bod yn gwybod sut i drin data yn gyfrifol ac yn ddiogel, gan gynnwys sut a phryd i adrodd os aiff rhywbeth o'i le
- Profi ein technoleg yn rheolaidd gan gynnwys cadw'n gyfoes â'r diweddariadau diogelwch diweddaraf.

Ni fydd unrhyw ddata personol yn cael ei drosglwyddo y tu allan i'r Deyrnas Unedig.



### Allwch chi gael gafael ar y wybodaeth sydd gennym ni?

Wrth gwrs, anfonwch e-bost at y Swyddog Diogelu Data (manylion isod) i ofyn am Ffurflen Gais Am Fynediad at Ddata gan y Testun.

### Fydd fy nata yn cael ei ddefnyddio ar gyfer unrhyw beth arall?

Efallai y byddwn yn defnyddio data clinigol a radiolegol o wiriadau iechyd yr ysgyfaint at ddibenion ymchwil a hyfforddiant yn y dyfodol. Mae hyn yn ein galluogi i reoli ansawdd, a gwneud gwelliannau i'r gwasanaeth. Bydd data'n ddiennw oni bai bod angen cysylltu cofnodion gwiriad iechyd yr ysgyfaint â chofnodion iechyd eraill. Os dydych chi ddim am i'ch data gael ei ddefnyddio at y diben hwn, rhowch wybod i ni yn ystod eich gwiriad iechyd ysgyfaint. Dydy hyn ddim yn eich atal rhag cymryd rhan yn agweddau eraill rhaglen gwiriad iechyd yr ysgyfaint.

### Ble alla i gael rhagor o fanylion?

Os oes unrhyw ymholiadau neu bryderon gyda chi am sut rydym yn trin eich data personol, cysylltwch â:

#### **Mr Michael Pennington (Swyddog Diogelu Data)**

InHealth Intelligence, Unity House, Road Five, Ystad Ddiwydianno Winsford, Winsford, Swydd Gaer, CW7 3RB

E-bost: [dpo@inhealth-intelligence.com](mailto:dpo@inhealth-intelligence.com)

Ffôn: 01270 765124

I gael cyngor annibynnol am faterion diogelu data, preifatrwydd a rhannu data, mae Swyddog y Comisiynydd Gwybodaeth (ICO) bob amser yn hapus i helpu:

Swyddfa'r Comisiynydd Gwybodaeth – Cymru

Yr Ail Lawr, Tŷ Churchill,

Ffordd Churchill,

Caerdydd

CF10 2HH

Ffôn 0330 414 6421

E-bost: [wales@ico.org.uk](mailto:wales@ico.org.uk)